

Inuussutissarsiummik Ingerlataqartunik Nalunaarsuiffik (IIN) pillugu Namminersornerullutik Oqartussat nalunaarutaat

Inuussutissarsiummik Ingerlataqartunik Nalunaarsuiffik pillugu Inatsisartut inatsisaanni nr. 10, 29. oktober 1999-imeersumi § 5, imm. 3, § 8, imm. 3, 4 aamma 5, § 10, imm. 2, § 12, imm. 3 aamma 4, aammalu § 14 naapertorlugit aalajangersarneqarput:

§ 1. Inuussutissarsiummik Ingerlataqartunik Nalunaarsuiffiup imarai Inuussutissarsiummik Ingerlataqartunik Nalunaarsuiffik pillugu inatsisartut inatsisaanni § 3 naapertorlugu inuussutissarsiummik ingerlataqartut imaluunniit sulisitsisut inatsisitigut immikkuullarissutut naatsorsuussat, aamma Inuussutissarsiummik Ingerlataqartunut Nalunaarsuiffik pillugu Inatsisartut inatsisaanni § 4 naapertorlugu ingerlatsiveqarfiit taakkununga attuumassuteqartut pillugit paasissutissat tunngaviusut.

§ 2. Inuussutissarsiummik Ingerlataqartunik Nalunaarsuiffimmi inatsisitigut immikkuullarissutut naatsorsuussat pillugit paasissutissat tunngaviusut ilanngunneqassapput makku:

- 1) Immikkuullarissup IIN-normua kiisalu ingerlatsiveqarfiit taakkununga attuumassuteqartut D-normui
- 2) ingerlanneqarnerata qanoq ittuunera,
- 3) piffissaq aallartiffia,
- 4) piffissaq atorunnaarsinneqarfia,
- 5) suliffeqarfiup aqqa,
- 6) suliffeqarfiup najugaa,
- 7) akisussaassuseqavillutik peqataasut aqqi qitiusumillu inunnik nalunaarsuivimmi (CPR) normui,
- 8) inuussutissarsiummik ingerlataqarfik saniatigullu ingerlataqarfiusinnaasut allat,
- 9) oqarasuaatip normua,
- 10) faxip normua, aamma
- 11) qarasaasiakkut allakkanik nassitsivissaq.

Imm. 2. Taamatuttaaq immikkuullarissup nittartagaa akiliisinnaajunnaarsimasinnaaneralu pillugit paasissutissat tunngaviusut Inuussutissarsiummik Ingerlataqartunik Nalunaarsuiffimmi paasissutissatut ilanngunneqarsinnaapput.

Imm. 3. Ingerlatsiveqarfiit pillugit Inuussutissarsiummik Ingerlataqartunik Nalunaarsuiffimmi paasissutissat tunngaviusut ilanngunneqarsinnaapput makku:

- 1) ingerlatsiveqarfiup D-normua,
- 2) ingerlatsiveqarfiup attuumassuteqarfigisaata inatsisitigut immikkuullarissutut naatsorsuussap IIN-normua,
- 3) piffissaq aallartiffia,

- 4) piffissaq atorunnaarsinneqarfia,
- 5) aqqa/taaguutaa,
- 6) najugaa,
- 7) oqarasuaatip normua,
- 8) faxip normua,
- 9) qarasaasiakkut allakkatigut nassitsivissaq,
- 10) inuussutissarsiummik pingaarnertut ingerlataqarfik saniatigullu ingerlataqarfusut,
- 11) sulisut amerlassusiat, aamma
- 12) pilerisaarinermut atatillugu saaffigineqartannginnissamik nalunaarut.

§ 3. Kikkulluunniit inatsisitigut immikkuullarissutut nalunaarsorneqarsimasut pillugit

Inuussutissarsiummik Ingerlataqartunik Nalunaarsuiffimmit paasissutissinneqarsinnaapput makkuninnga:

- 1) immikkuulluarissup IIN-normua aamma ingerlatsiveqarfiit taakkununga attuumassuteqartut D-normua,
- 2) ingerlanneqarnerata qanoq ittuunera,
- 3) piffissaq aallartiffia,
- 4) piffissaq atorunnaarsinneqarfia,
- 5) suliffeqarfiup aqqa,
- 6) suliffeqarfiup najugaa,
- 7) inuussutissarsiummik ingerlataqarfik,
- 8) oqarasuaatip normua,
- 9) telefaxip normua, aamma
- 10) qarasaasiakkut allakkanik nassitsivissaq.

Imm. 2. Kikkulluunniit ingerlatsiveqarfiit nalunaarsorneqarsimasut pillugit Inuussutissarsiummik

Ingerlataqartunik Nalunaarsuiffimmit paasissutissinneqarsinnaapput makkuninnga:

- 1) ingerlatsiveqarfiup D-normua,
- 2) ingerlatsiveqarfiup attuumassuteqarfigisaata inatsisitigut immikkuullarissutut naatsorsuussap IIN-normua,
- 3) piffissaq aallartiffia,
- 4) piffissaq atorunnaarsinneqarfia,
- 5) aqqa/taaguutaa,
- 6) najugaa,
- 7) oqarasuaatip normua,
- 8) telefaxip normua,
- 9) qarasaasiakkut allakkanik nassitsivissaq,
- 10) inuussutissarsiummik ingerlataqarfik,
- 11) sulisut amerlassusiat malillugu angissutsimigut inissisimaffia, aamma
- 12) pilerisaarinermut atatillugu saaffigineqartannginnissamik nalunaarut.

Imm. 3. Inatsisitigut immikkuullarissut akisussaassuseqavilluni peqataaffiusut pillugit, paasissutissat imm.

1-imi taaneqartut saniatigut, peqataasut aqqi paasissutissatut nalunaarutigineqarsinnaapput.

Imm. 4. Sulisorineqartut amerlassusiannut paasissutissat inuinnarnut tunniunneqarsinnaapput

sulisoqatigiit amerlassusii taamaallaat taallugit. Amerlassusiliinerit atorneqassapput makku;

Sulisut amerlassusii 0

Sulisut amerlassusii 1-4

Sulisut amerlassusii 5-19

Sulisut amerlassusii 20-49

Sulisut amerlassusii 50-99

Sulisut amerlassusii 100-199

Sulisut amerlassusii 200-499

Sulisut amerlassusii 500 taakkuninngalu amerlanerit.

Imm. 5. Akisussaavilluni peqataasup nammineq najugaa, suliffeqarfiup najugaaniit allaappat, pillugu paasissutissaq inuinnarnut aatsaat tunniunneqarsinnaavoq taassuma uppersarsinnaappagu taamaaliornissamut ilumut pisinnaalluni.

Imm. 6. Inatsilerinikkut immikkuullarissut imaluunniit ingerlatsiviit immikkuullarissut tigulaariffigineqarnerinut atatillugu paasissutissaq imm. 5-imi taaneqartoq inuinnarnut tunniunneqarsinnaanngilaq.

Imm. 7. Tamakku saniatigut akisussaassuseqavillutik piginnittut CPR-normui sulisorineqartullu amerlassusii pillugit pisortani oqartussat paasissutissinneqarsinnaapput. Pisortani oqartussat sullissiveqarfillu Naatsorsueqqissaartarfimmit paasissutissanik tunngaviusunik tigusaqarsimasut ingerlatitseqqinnermi Naatsorsueqqissaartarfimmut malittarisassiarineqarsimasuni aalajangersakkat malissavaat.

§ 4. Nalunaarsuiffimmit paasissutissanik tunngaviusunik inuinnarnut ingerlatitseqqinnermi ingerlatsiveqarfiit pilerisaarinnermut atorneqannginnissaannik piumasaqarsimasut pillugit paasissutissat tunngaviusut tunniunneqassanngillat.

Imm. 2. Taamaattoq ingerlatitseqqittoqarsinnaavoq tigusisoq nalunaarpat uppersarsaappallu pilerisaarinnermut atorneqannginnissaannik piumasaqaat ataqqiniarlugu aammalu ingerlatsiveqarfiit taamaattut pillugit paasissutissat tunngaviusut allanut tamarmiutillugit eqimattakkuutaarlugilluunniit ingerlateqqinneqassanngitsut.

§ 5. Inuussutissarsiutinik Ingerlataqartunik Nalunaarsuiffimmiit paasissutissanik tigulaarinnermut suugaluartumulluunniit aqutsinnermut akiliutissat 650 kr.-it akilerneqassapput.

Imm. 2. Aqutsinnermut akiliutissat saniatigut ingerlatsivimmut ataatsimut akilerneqassapput 1,25 kr., taamaattoq tigulaarinnermut ataatsimut amerlanerpaamik 15.000 kr.-it.

Imm. 3. Tuniniaaqinnissaq siunertarlugu paasissutissanik tigulaakkanik pisisoqarpat taakku saniatigut pisisup akilissavai tuniseqqinnermini akigititami 5 pct.-ia.

Imm. 4. Imm. 1-3-ni aalajangersakkat pisortani oqartussanut aqutsinnermini siunertanut paasissutissanik atuisunut atuutinngillat.

§ 6. Suliassat annertussutsimikkut tigulaakkanit § 5-imi taaneqartunit annertunerusut pillugit allaganngorlugu piumaffiginninnikkut pissarsiniartumut Naatsorsueqqissaartarfik akissatut neqeroorusiussaaq.

§ 7. Nalunaarut atuutilerpoq ulloq 1. januar 2004.

Namminersornerullutik Oqartussat, ulloq 3. december 2003.

Hans Enoksen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut